



北山小集卷第十

律詩

酬穎昌葉內翰見招 丁酉

觸熱西遊汴濁波京華旅食謝經過年侵鏡裏今如
此歌缺壺邊可奈何賓閣遙知懸玉塵直廬應許到
金坡唐孟浩然故事須公一節趨環召猶及昆明百步荷

旅舍寫懷

半世江湖寄此身冰虛何意及陽春離騷痛飲非名良
士款段還鄉亦善人病木作花真強活長魚沈陸恐
推鱗清時英俊如麻韋敢嘆長年甑有塵

酬葉內翰喜其除官東觀 庚子

冰谷難通杜曲天，淺聞那識絳人年。
揮斤始免從輪扁，操牘寧堪佐史遷。
正恐商樊譏浪士，可令齊魯歎無傳。
笭箵挂壁空回首，林有孫枝竹長鞭。

列宿羅霄妙補天，巨鼇峯頂號耆年。
致君舊擬唐虞上，去國徒經歲月遷。
夢筆絲綸建瓴下，憩棠膏澤置郵傳。
平生傾倒燕臺意，可使英豪慕執鞭。

送葉善卷致仕歸吳 衛尉丞 庚子

衛尉新除蓋次公，便拋簪紱向江東。
秋鱸正與蓴絲美，夜鶴林鷺蕙帳空。
滿腹詩書元未試，會心林壑與

貞節堂表氏鈔本

誰同自憐垂髮無歸處，慚愧冥冥物外鴻。

和同舍雪晴即事

雪消晴沼漲微波，一局文楸比爛柯。
塵外清霄三島近，日邊春色五雲多。
不妨窈窕耽書癖，時遣槍旗戰愁魔。
洶湧詩情何所恃，九軍雷動伐靈鼉。

和同舍上元迎駕起居 辛丑

瓊花御名浮空錦作山，五門遙北望金鑿。
燭龍飛度崑丘曉，玉斧修成寶鑑寒。
便覺冰和回暖律，恍疑雲翼傳靈丸。
都人喜色瞻鸞盖，更擬交光雪未殘。

和同舍夏日四詩 辛丑

寒暑不到處，儵然天地中。夏冰聊善幻，性水自真空。
松壑凝寒露，荷燈障遠風。我欲千仞扇，竭意無窮
清冰。

曉來風破睡，天外失參橫。雨作刻漏下，人思江海傾。
林塘回秀色，塵市亦驩聲。漏屋吾無憾，聊蘇東未氓。
暑雨。

夜氣接平日，旦微涼生。太虛庭槐秋，意動簷月曉。光餘
執熱寧無間，探湯固有初。斯須銜燭轉，汗漬羽陵書。
晨夜。

赤日不可度，紅塵能許深。糞除知有意，垢淨亦唯心。

貞節堂袁氏鈔本

葉落石門曉，花殘桃徑吟。安知煩溽地，擁篲却流金。
掃地。

車駕幸秘書省口號二首壬寅

端門清蹕隱脩廊，麟省新開接建章。六玉虬飛黃道
穩，五芝華聳赭袍光。風生凡腋天顏近，春入仙洲畫
漏長。拭目詞成飽德共，瞻雲日仰陶唐。
清塵膏雨浹人寰，金殿晴開瑞霧閒。帝座騰輝臨璧
府，聽輪紆景按蓬山。龍鸞初識昭回迹，麋鹿驚隨侍
從班。再拜逡巡戴君賜，却迎天仗款賢關。

和田龍圖升之登秋宴口號二首

赭黃高拱玉霄間，金殿祥驥九色班。湛露恩濃開鎬
宴，大風歌奏仰龍顏。自驚垂老拋農畝，浪逐群仙款
帝關。銀甕白環方紀瑞，汗青脩竹盡南山。

矍鑠仍堪將帥閒，壯猷聊與虎臣班。來詩云坐於諸軍團練使之後

公車獻賦城南社，郎省興嗟比地顏。北合殿千官瞻黼

宸中天，雙闕敞瓊闕，彤庭拜舞嵩三呼。延閣千雲真

道山

林德祖有詩寄光祿蔣卿夢錫璿及送朱
博士駿發終篇皆見及次韻懷寄

閉門那復賦三都，傳世何妨強著書。東海遺榮行路

貞節堂袁氏鈔本

歎南山歸隱故人疎，尚平婚嫁無餘累。摩詰身心即

淨居，六十挂冠雖早計，絕勝銜索泣枯魚。聞德祖兒近已娶婦

故有尚平之句

金華玉府九天開，夜誦何人薦逸才。大學諸生終莫

挽長沙賢傅，幾時來別離。傳恨空魚素，歲月如飛逐

管灰亦欲相追老，湖海稽山肯放酒。舡回德祖既休致不復作

都城書余獨時致書問訊故有空魚素之句云

和江子我端友 戊申

雨脚初收曉霧開，青鞵布屐好追陪。幽人無事長相
見，佳句有時還自來。白業誰能趨石壁，朱顏亦任發

春醅憂來忽憶燕南信安得闔鄉老萬回

齒落

年運過半百齒搖先右車朝來忽自墮笑罷却成嗟
鶴髮情知爾牛呵老更加舌柔真足恃寂默寄生涯

種蓮

不向東林杜聊分玉井蓮淤泥超黑業定葉異青錢
八法那能染三車固可捐從容共魚樂吾意已忘筌
別後有懷子我追用巾字韻作寄

漉酒空栽五柳中一觴相屬念情親玉川奴婢今猶
昔錦里田園老更貧冰洞清泉誰共酌風篁幽徑好

貞節堂袁氏鈔本

尋春開年晴暖須歸去還向江湖覓故人

子我東去云欲居無

錫或過錢塘故有冰洞風篁之句

商浩廢處信安偶覽衢州圖經故居尚有
遺址有感予懷書四十字

中軍時所廢我廢坐衰殘軒冕當來寄矣涼非意干
空涵嗟外重小品亦徒看異代均流落還來客信安

觀梅

江梅開過尚餘香半面殘粧對夕陽野草凡花正無
賴競將紅紫占春光

觀老杜久客一篇其言有感於吾心者因

為八詠

羈旅知交態

故里翻為客，衰年亦倦遊。犢禪慙比阮，膳饋略東丘。
門巷遊麋鹿，閭閻風馬牛。瞿公良可笑，大暑欲何求。

淹留見俗情

扶病來城郭，棲遲又幾年。炎涼驚節變，榮悴與時遷。
掉臂人趨市，駢頭蟻慕羶。回觀衰冷地，古竈不生煙。

衰顏聊自哂

禿髮無童綠，疎髯已半凋。識風搖老炷，火宅豎衰標。
往事那堪記，幽懷不自聊。餘年儻窮健，猶及中興朝。

貞節堂表氏鈔本

小吏每相輕

鼠輩何知禮，奴曹只世情。鴟鴞嚇鳳蝶，蟻蟻困鯢鯨。
舍者時爭席，將軍莫夜行。豈堪拱一笑，正自不須驚。

予美詩又云何當官曹清爾輩堪一笑東坡詩云爾輩何曾堪一笑

去國哀王粲

獻納無明略，衰遲只故鄉。養痾憑藥裹，掃迹寄僧坊。
不作荊州客，空悲漢署郎。王粲少為蔡中郎所禮登樓那暇賦

衰鬢白蒼蒼

傷時哭賈生

借逆真蒼燕，腥羶尚井蛙。蒼生因徵斂，黃屋久咨嗟。

北狩終當返東巡亦未賒皇基甚宏遠四海會為家
狐狸何足道

宿敵雖毛舉中原尚土墮時聞殲狗鼠未遂戮鯨鯢
冠蓋翔鴛鷺兵戈集虎貌埋輪豈無意攬轡欲誰期
豺虎正縱橫

黠虜瀕窺塞潢池或弄兵未傳朱泚首時勞亞夫營
四海幾糜爛群凶會鼎烹皇威清海岱談笑掃攬槍

哭徐節之學士御言

辯口懸河氣吐雲賢豪往往盡知聞論兵似欲無堅
敵攬轡常思去敗群正使流言成玉玷何妨浹骨自

貞節堂表氏鈔本

蘭芬他在罷社悲問里宿草猶應哭故墳節之以社

云故

又六言

臨汝音容近隔源明生死俄分可但一朝千古真成

聚沫浮雲

叔問錄示樂天篤字韻詩余和以簡叔問

槽滴真珠不用篋塵飛盡棟發清謳時危尚想承平

態勝會那從戰鬪求戰鬪求見世說遺物方將期汗

滿苦心何必志窮愁憑君贖作消憂計痛飲狂歌爛

慢遊

典龍節日有感二首

往歲興龍節，寰區樂未央。姜任垂德化，夔契拱巖廊。
事逐流年往，憂隨愛日長。佳時真易失，追想故難忘。
往歲坤成節，群生歌舞中。至公同造化，和氣浹羗戎。
佐佑三王治，彌逢十亂功。戎衣何日定，無處問高穹。

龍圖閣待制知亳州事傅公挽詞四首

北地休奇績，東閩出雋儒。文明知世異，才德應時須。
臺閣咨純正，朝廷重楷模。九原如可作，素業上唐虞。
置醴王門重，和羹帝意深。方酬稽古力，未展濟時心。
履道端由戶，繩身異直尋。如何天不憖，注想動宸襟。

貞節堂表氏鈔本

龍駕初從代，羊裘首訪齊。但聞還舊物，已足慰群黎。
綸綍王言大，著龜國論稽。空留吾黨恨，桃李信成蹊。
曳杖空成歎，騎箕去莫追。桑陰曾未改，棠蔭有餘悲。
笳鼓千山路，龜螭萬古碑。登門慙忝陋，何以報深知。

黃修中大夫挽詩

少日無雙譽，中年歎數奇。音徽叔度比，治迹次公為。
羔鴈徒三至，牛雞不兩施。空令吳楚地，阡陌有餘思。
曠度中無賴，懷才竟莫伸。入朝誰不達，出宰一何頻。
吏隱琳宮冷，郎潛素髮新。語言猶可想，攬涕霑中

致政程承議挽歌詞

伯禹侍郎
瑞之父

手種庭槐擢幹長誰知種德久彌芳錦標荷橐看榮
養命服恩書被寵章合浦珠還增氣象延平劍合歛
光芒新汗鬱鬱車千輛慶善哀榮動故鄉

太守富樞密見示題趙叔問回光庵詩次
韻奉和因叙比蒙屈顧郊居愧謝之意

千騎雙旌閒綠沉草堂無逕辱幽尋應憐范叔窮愁
甚更覺文翁德化深泌飲衡門聊寄老高山流水舊
知心朝來拭目窺新句入木鐸金比道林

又和呈叔問

潮海當年共陸沉山林投老得追尋清溪宛轉千山

貞節堂袁氏鈔本

靜喬木陰森一徑深法界舍容居士室庵基堅固祖
師心山王終恐歸廊廟回首清遊歎竹林

用韻述懷

故交離合異升沉枉直寧當問尺尋伏櫪疲驂千里
暮當關虓虎九門深炎涼殊態看浮俗衰病交侵失
壯心一壑一丘真自足野麋終日樂長林

送莊大夫綽赴鄂州守

白首同經本命年君臨方面我歸田應無衛尉一錢
直空羨漆園三十篇季裕著本草蒙求三十卷顏工麟閣功名應未
晚羊腸歧路莫爭先西歸不待三年最肯訪柴門澗

水邊

偶成四十字上呈彥章內翰叔問侍郎

頭童心亦盡老矣不中書賴有金閨彥時來冰氏墟
但令尊有酒安問出無車更得身強健登臨縱所知

彥文見和謹用韻作二首

禪病憐病士時枉教行書野寺尋荒徑煙林接遠墟
擬回逋客駕仍挽故人車會赴山林約無勞問久如

久與叔問約同訪彥文
小山居行當如約

知公探理窟玉檢祕瓊書宴坐超三界靈光洞九墟
折胥憐五斗舐痔笑多車定起時遊戲新詩錦不如

貞節堂表

再作述懷

不作頭錢直徒看萬卷書秋螢羞赫日潢潦異歸墟
絕意高門地真乘下澤車終年日高卧豈問夜何如

再和寄彥文

踵息庵中老看書不蠹書青燈對編簡秋氣入郊墟
農圃從爭席笙歌載後車風流傾一座誰復似相如

某啟伏蒙宮使資政左丞以某末疾漸平

寵况既新詩仰荷春私欽誦不足謹依嚴韻

攀和四首少叙盛德仍述鄙懷伏惟采納

某再拜

如公真似泰山雲數寸崇朝四海聞出處要同周四
友聲名何減漢三君詞源笑唾三冬學妙旨深明六
藝文要是天孫機杼手莫將雲錦並織紋
典訓文章見白麻經綸才術又王蒙如何袖手千巖
裏却旁臨溪一徑斜憂國丹心知益壯濟時素業復
誰加何當樂壽亭前路杖屨追游閱歲華
載酒何人過子雲閉關蘭若斷知聞分無秭秣資三
徑豈有篇章詠五君親故易成南浦別漁樵時寄北
山文懸知倚市傾城態應笑寒窓刺繡紋
充庭英俊劇蓬麻迂蠢無庸合卧家錦里煙塵終不

貞節堂表氏鈔本

到玉川思慮本無斜山東何翅三年別霜鬢潛驚一
半加會見中興平四海要看元凱佐重華

叔問覽北山小集用葉左丞韻辱惠加篇
推與過情良深愧哉謹次韻奉酬二首

過眼紛紛夢電雲羨君強識與多聞風流千載鑑湖
老博極羣書都水君顧我哀懷無復理空餘宿習寄
微文深慙推借逾涯甚偶爾真同禦木紋
衡門相望接桑麻人識城南二士家老羅應難夸競
病詩狂時復賦車斜韋編閱世時時絕班劍看人歲
歲加徒把繫鈿消永日強分寄正與英華

鄭希尹大夫會吳中諸老唯方子通不至

余作詩呈希尹

黑頭新貴擁朱輪交會耆英久不聞博識猶多漢郎

吏敦詩仍有晉將軍一作烟幅無華漢郎吏詩書執禮晉將軍河流曲曲

靈光異芝蓋莖莖瑞氣芬是日九人坐想城東隱君子無

心閑似嶺頭雲張敏叔祠部章伯成戶部餘皆郎故有郎吏之白張仲謨嘗帥熙何故

有將軍之白

避寇還舍一首 戊申

亂定還三徑陰陰夏木初驚弦無固志巢幕且安居

冥坐心如地幽尋步當車經丘仍窈窕遠屋正扶疎

貞節堂表氏鈔本

搏黍空懷友提壺或起予老來無住着聊復愛吾廬

得趙叔問衢婺道中書作寄己酉

田中有秫醉淵明石上無禾養伯齡聳澗蒼根終鬱

鬱拂雲歸翼會冥冥避喧人境心隨遠入夢家山眼

共青歲晚定知成二老深慙招隱苦丁寧

和荅江彥文送行長句二首 辛亥

醉裏求名苦不情儵然誰信萬緣輕却觀塵境端如

夢裏喜幽棲得此生游客乍歸寒雀噪山人還去曉

猿驚會當蠟屐同幽討無限青山照眼明

贈行新句比陽春朝奏當年竦縉紳素業異時應有

待玄談高處亦無倫平生骯髒皆華首閱世崎嶇信
損神只恐鶴書還赴龍未容公作獨醒人

會稽旅舍言懷

北山之北寄柴扉茅屋參差倚翠微老罷那知還作
客春來無奈苦思歸淹留恐復荒三徑潦倒寧堪扈
六飛乘雁雙鳧成底事不應容易裂荷衣

次韻江子我見寄長句

余時初忝
秘書少監

泥行正作龜藏穴霧隱初微豹一斑豈有高標如冠
玉况無談舌解連環一登文石趨宣室三竊蟠桃向
道山早晚共尋雞黍約林泉猶得半生閒

貞節堂表

苦雨

積潦徹厚地油雲成漏天乘舟迷晚市懸金鬱晨烟
弁服幾三沐遠蘆亦九遷何由開白日直恐墊黃泉
天道終持滿皇心劇掄然多應洗兵馬且復奠山川
浩浩收漠漲攘攘決帝廛變詞知努力延頸待豐年

里諺夏甲子雨乘舟入市
年三兩甲子有乘舟之句

比閱藏經偶成短偈仍寄同志者

君看故教定何緣豈為多聞與福田念念會融歸自
已言言當處便忘筌無錢空數他人寶遮眼那令咒
草穿鳥度虛空風過穴不妨開卷亦安禪

華嚴經云
譬如貧窮

人日夜教他實自無
半分錢懈怠者亦然

丙辰八月六日作

負痾今日四周年藥裏關心雪滿顛坐失分陰嗟倏
忽行扶跬步苦踈躑支離徒費三鍾粟潦倒仍依二
頃田身在山林名絳闕無功飽食愧前賢

戲呈叔問

野寺蕭條獨掩扉了無才術赴時危未成鴻鵠舉千
里且比鷓鴣足一枝短髮望秋如葉落壯懷因病與
年衰何時負郭通三徑鳩杖相將醉習池

彥章屢顧郊居作詩叙謝

貞節堂表氏鈔本

骯髒衰頹歲月侵冰虛誰復過山林閭閻揖讓潛夫
老車騎雍容重客臨表裏絲綸曾濫吠推揚巴俚久
知音時來解帶揮設塵正始微言重得尋余在掖垣
彥章在翰

林故有表
裏絲綸句

鬱鬱澗底松戲作
首題

鬱鬱千山麓常嗟澗底松老應從禹貢清不受秦封
偃蹇龍蛇蟄摧藏冰雪融地偏難聳壑根固獨凌冬
天近知材大辰來有棟隆山苗應見笑穴蟻莫相攻
與叔問預約繼九老之會

七老當年四美并韓温千載接儀型世間天爵豈人

爵雲外台星聚德星
白花^髮蓼花看更好
碧山環座眼
偏青相期勉
繼者英會留
與衢城作畫屏

日日辛巳

日日長川去
行行萬化新
回思幾年事
已似隔生人
章甫寧資越
連城漫入秦
應知衣內寶
肯渾隙中塵

山近

山近雲多態
身閑夢亦幽
紙窓先得曉
布被最知秋
海眼來陰冷
雲根逗暗流
結茅容我卜
投老為君留

看鏡辛巳

看鏡恍如夢
今余猶昔余
身經幾墮甑
迹寄一蘧廬

貞節堂表氏鈔本

仙客有遐思

昔人以鶴為仙
客鴨為閑客

孔兄無近書
塵纓與蕙

帳兩事欲何居

丁巳九日攜酒要叔問
登通道門樓而江
彥文寄玉友適至
因用己未歲吳下九日

詩韻作

涼秋風物正清華
極目高樓不見花
老境固知無樂
事醉鄉聊欲寄
生涯銀鈎遠寄清桐滑
玉液親題赤
印斜笑引壺觴
成一醉歌筵遙想鬢堆鷗

間彥文是
日有盛集

戊午歲九日復與叔問登城樓
再用前韻
作

兀坐空哦服九華衰頽深覺負黃花但令無事長相
見敢嘆百年生有涯雉堞曉登千嶂抱穀波秋淨一
溪斜歸來更展新詩卷醉墨淋漓似老鷗盧全有却
來案上翻
墨汁塗抹詩書
如老鷗之句

靈山觀

入夢無黃石收身賴赤松濯冠臨皖水執簡叩瀟峯
司命開琳闕明光下玉龍高靈心拱衛江海勢朝宗
清夜垂星斗空山答鼓鐘雲車來絳節風馬上丹封
樓觀參差見巖崖轉仄容山川瞻勝異蘋藻薦巖恭
凡骨應難換幽人豈易逢他年華山藕安用葛陂筇

貞節堂表氏鈔本

是夕設醮宿觀中謁崔道士值出明日出山遇諸道
崔避走茅舍余下馬亟往見之與語不相酬答頃之
衆中目余神間出竊一節
遺余且云勿觀縷因逸去

題靈山息軒

擾擾塵勞客誰能一念休向爰皆渴鹿犯稼劇奔牛
舟壑雖無住江河竟不流超然隨萬境轉處實能幽

舟行過吳江有感

陳迹端如幻羈懷祇自驚十年窮不死四海寄餘生
蒲柳成衰質枌榆憶舊耕重吟五湖句慷慨動幽情
棲棘空迴首飛鳧竟折腰祇令隨泛宅敢復歎沉僚
行路終難拗迷魂不可招山川良是昔恍似鶴歸途

茸蝸廬吳下用葉翰林見寄詩韻作

四海無廬置此翁故營松竹盡囊空明知計出柏馬
下正擬身全木鴈中東郭易成生草舍南村先怯卷
茅風向來毫氣今如此敢與元龍較長雄

張志和結廬東郭茨

以生草余結廬皆竹榻松柱故有松竹之句

和白樂天二首寫懷仍効其體

莫把著龜更問天向來心事已蕭然塵中惱悅常如
失夢裏呻吟半不眠三徑松筠終問舍五湖煙水不
須錢艾耆相去能多少早擬懸車十五年
中臺退食每逡巡不向重華即淨因豈但語言多少

貞節堂表氏鈔本

味亦知才術不如人五雲華闕通閨籍萬頃煙波擲
釣綸鳧雁去來何足道從容居士宰官身

和趙子雍游石園

長嘯西風一散襟重陰疎影靜相臨水通笠澤秋容
淨竹種玄池野思深石磴掃雲留晚步松蹊隨鶴盡
幽尋舊游回首成春夢太息憑誰寫寸心

謁蔡開府延客周歷堂宇覽觀山林巖洞

之勝頓失袞暑退作律一首

蒼虬銜雨轉晴巒噴霧跳珠玉覺寒掩冉風林聽等
籟蕭森煙籜種琅玕期僊磴屬三休還翳翠庭臨八

茸蝸廬吳下用葉翰林見寄詩韻作

四海無廬置此翁故營松竹盡囊空明知計出柏馬
下正擬身全木鴈中東郭易成生草舍南村先怯卷
茅風向來毫氣今如此敢與元龍較長雄

張志和結廬東郭茨

以生草余結廬皆竹榻松柱故有松竹之句

和白樂天二首寫懷仍効其體

莫把著龜更問天向來心事已蕭然塵中惱悅常如
失夢裏呻吟半不眠三徑松筠終問舍五湖煙水不
須錢艾耆相去能多少早擬懸車十五年
中臺退食每逡巡不向重華即淨因豈但語言多少

貞節堂表氏鈔本

味亦知才術不如人五雲華闕通閨籍萬頃煙波擲
釣綸鳧雁去來何足道從容居士宰官身

和趙子雍游石園

長嘯西風一散襟重陰疎影靜相臨水通笠澤秋容
淨竹種玄池野思深石磴掃雲留晚步松蹊隨鶴盡
幽尋舊游回首成春夢太息憑誰寫寸心

謁蔡開府延客周歷堂宇覽觀山林巖洞

之勝頓失袞暑退作律一首

蒼虬銜雨轉晴巒噴霧跳珠玉覺寒掩冉風林聽等
籟蕭森煙籜種琅玕期僊磴屬三休還翳翠庭臨八

右考校

萬里煙霄羽翼生肉飛安用漱華清緋頭黃尾何勞
記紫籟青書故自明香撲賜袍迷草色風傳宮漏出
花聲騏驎一一充閑廐千里那聞駕屢更九章云勒
騏驎而更
駕兮造父
為我操之

右唱名

和何文鎮禮部種竹一首

筠節寧當混草萊寸根中有拂雲材清游未接諸賢
遠幽徑終因二仲開歲晚蒼陰元自茂實成丹鳳幾
時來何郎冰雪森相對默轉鼓鋒萬壑雷

貞節堂袁氏鈔本

某惶恐上啟伏承

太師均佚之暇修真養浩日與造物者遊
謹成拙句上塵鈞覽

碧海崑崙接絳臺故應春至自花開絲毫不立元非
靜菴棗潛生豈用裁種種初無心外法綿綿時向定
中回却來重展調元手會見華胥遍九垓

北山小集卷第十

卷第十
五律
五律
長韻
七律
共三頁
靈之卷九卷十也
照邦誌

北山小集卷第十一

信安程 俱

絕句

太湖泂檄西原道即事三首

司空山頭朝出雲西原渡口十里陰煙中鷄唱未及
午白雨作泥泥已深

上崖下谷鳥道中前橋後巾魚貫從西山路暗光已
夕東山山頭餘日紅

道旁甕盎如汝陽石間電雹如呂梁不知身世在何
許舉頭四山鬱蒼蒼

登富陽觀去聲山亭三首

游雲凝空日無華
煙江冥迷如眼花
觀山直南是秦
望不見高青天
兩沙

東吳山川少雄遠
此中形勢如江南
當年伯符亦浪
出三雄相視徒耽耽

橋公宅中本參天
孫郎山前春燒去煙
大橋不向五
湖去建康宮深空
歲年

壬子春暮罷職西省以宮觀東歸道由富陽
記舊時俯仰二十八年矣有足感者用前韻作因簡叔問并諸故人三首

春風吹衣雙鬢華
山中小桃應着花
回思二十九年

貞節堂袁氏鈔本

事世故困人如算沙

故園在眼日漸近
北山之北南山南
從來不飲聲聞
酒况學詩翁老更耽

擊水三千尺五天
故人拭目上凌煙
北山還我扶犁
手准擬今年大有年

題蔣崇德彝所藏明皇夜游圖二首

燃膏飛控逐流光
露溢金盤樂未央
擬跨八龍窮轍
迹誰令一馬向銅梁

嶠函伊洛好家居
四十三年似覆盂
盡道蛾眉供一
笑安知傾國有胡雛

即事

照空初涌玉芙蓉
渠驚起霜林尾畢逋
託宿一枝翻自
失倦飛三匝正相呼

山中次葉翰林韻五首

四山松桂擁高寒
蠟盡陰崖雪未乾
發石開林窮鳥
道披榛尋壑見鯢栢
繞舍蕭森碧玉椽
西丘桑苧遠相連
東山一為蒼生
起付與幽人枕石眠
步尋芳草坐班荆
照眼林泉動客情
安得長年專一
壑北窓高卧更何營

貞節堂表氏鈔本

李郭一舟知謾與
羊求三徑可無人
宅年午橋窮勝
事應許幅巾來卜隣

雨餘雲氣渺三江
松月徘徊拂夜窓
坐對懸河瀉千
古故知難並隴頭瀧

七夕六首

阿母雲車下建章
茂陵秋草竟荒涼
漢庭卿相如麻
葦只數窺窻陸戟郎

緱氏山頭白鶴飛
山川良是昔人非
脩然脫屣人間
世不獨遼東丁令威

胥門老蔡定凡仙
會有神人與作緣
自笑塵容滯窮

骨不如鷄犬上青天

腹中書籍雖無幾可奈多知作病何正欲掃除無復
理聊將犢鼻挂庭柯

織女機邊天漢流盈盈脉脉望癡牛未應乞巧能如
願咫尺星橋不自由

乘槎吾欲問天孫榮悴寧當巧拙論富貴可求難自
強五窮那肯置迷魂

江仲嘉行邑將歸見寄絕句次韻八首

翫麟江公故不群八關三窟斷知聞喜設狗馬從無
鬼獨抱冰霜似此君

貞節堂袁氏鈔本

常嫌小知漫間間曠度蕭然只愛閑不借黃梁留客
醉巖關三鼓款銅環

若下餘杯一望間不辭山上復加山孟嘉固是盛德
士犀首何能終日閑

勸農行稼亦看山牛驥何妨共一閑應笑云亭老頗
僻背崖無地結三間

漾漾扁舟拂水飛飄飄萍末細吹衣傳呼西地來連
壁東郭人知典午歸

仲嘉行縣歸司錄趙叔問迂之南門聯鑣還府率以為常

詩城端欲據天山酒戶猶能敵飲仙幽亭相關公事
了如屏千嶂翠連綿

聞說人間有閨風飛霞無路欲誰從只今華髮驚衰
態却羨蒼松獨奈冬

君知曹子幻竒功法界由來一性風等是少年誇狡

獐杖端聊挂藥珠宮

仲嘉詩中用神仙傳
曹博士逆風舉帆事

葉翰林令畫僧作偃松於石林堂壁有詩

余次韻四首

試驅毛穎沐方諸盤礴經營滲澹初莫作世間虛妄

見筆端三昧入無餘

當年溜雨三千尺回首五山力萬牛故作輪囷歎絕

壁苦心蒼節俯清流

貞節堂表氏鈔本

人間境物無非畫筆下丹青却似詩流出曾中無盡

歲翰林詞筆是良師

眼中突兀藍田館前日空山穢不治聊遣上人供幻

事戲將方丈納仇池

寄謝葉翰林見招二首

風流刺史從英游况復西湖菡萏秋授簡豈堪陪兔

苑舉鞭聊欲醉荊州

白雪詞章勝遠游曾中清鑑有陽秋玉堂正要如椽

筆肯使經年借一州

題許徽猷韓幹二馬

並轡長途騁二龍紫驕飛度玉花驄何年照影瑤池
暮露鬢風髮慘澹中

觀大洪淳公送覺上人頌演為四首

異類潛因未兆前箇中誰辨正中偏沉沉海底三更
月杳杳長空萬里天
昂藏頭角聳磨天玉馬嘶風曲調全却向大洪山頂
上一聲鷺散野狐禪
迴途莫守寒巖草巖前枯木春風到玉顏年少滿頭
霜花落花開不知老
耕破威音那畔田向來荒草不知年鐵牛閑卧無人

貞節堂袁氏鈔本

喚回首芄芄綠滿川

和潛老秋日山中三首

夜漏初添數刻長毛塵何足較牛牟道人一念三祇
劫春草秋花自在香

佛本行集經云七年毛頭塵成一牛毛頭塵

籀龍變化九天去草木如空冀北群竹林之游寧復

得遊若山河懷五君

五君詠蓋竹林諸賢也

琅玕摧空一葉下塵鑑出柙南山高卧看微雲澹河
漢佳句不復推亭臯

三峯草堂二首

庭前雙梧一畝陰禪房蕭森花木深清霜脫葉空山

響夢覺寒窓松月林

兩洗千山翠欲浮
稻畦松澗已爭流
朝來風急凝雲盡
歷歷鐘聲過五州

觀元章帖有寄王寶文絕句戲和

好奇不減猗犴叟
放論猶嫌石戶農
怪底西山增爽氣
佳城蕭瑟閱滕公

避寇儀真六絕句

二紀重來一葦杭
脫身兵火走風霜
安知老境今如此
滿眼旌旗兩鬢蒼

北固山頭豎白旗
西津渡口僕姑飛
將軍笑引三千

貞節堂袁氏鈔本

騎洗馬鵝翎間道歸

是日聞浙西總管提兵自瓜州取道儀真度長蘆便道趨杭

江漢長哦向渺茫
白沙朱雀正相望
東巡百萬臨瓜步
拭目中興望我皇

拜表時時上閣開
九重葱鬱信佳哉
天旋地轉會有日
填咽都門龍御回

瑤臺侍臣不可作
嚴谷道人今也亡
杖藜三徑非無

約一笑凌雲有底忙

往與王八文彦周經由儀真歸浙至鎮江過友人江仲嘉今二十四年矣

茅茨低小對青山
唯擬餘年向此閑
南望青山是黃鶴
欲憑黃鶴寄書還

泊舟儀真江上連日風雨作六言遣悶四首

北山集卷一
洶洶風號萬竅冥冥雨暗長江午夢歸尋三徑南山
怡對書窻

常寂光徧一切勝義諦即世間正自縱橫五位不妨

透脫三關

竭廬有佛室曰常
寂光小齋曰勝義

韋杜去天尺五鯤鵬擊水三千作意公能活國餘生
我得安禪

上流下流兵渡江南江北人歸寒盡春生梁苑天旋
日轉皇畿

題太守錢侍郎所藏薛少保獨鶴圖和韻

三首

貞節堂袁氏鈔本

紫清之驥下閭闔昂然野態猶高騫矯如喬松欲仙
去袂聳霞外雙眉軒

丹袷玄襟雪色衫羽人冠墜不須簪夜來白露聞清
警却使憂懷百不堪

通泉寫真不復見劫火變滅隨毗嵐豈惟畫筆世莫
比正自草書無第三

題錢守宋漢傑清夢圖

二首

錢守用余所收龍師小
軸六言韻作見要題此

展畫衡廬清影卷將震澤俱還自有毫端千劑誰論
塊視三山

登泰山小天下斷妙喜出世間萬壑千巖掌握江月

松風往還

戲題畫卷

五載京城白鬢鬚
丹青遐想寄衙巫
如今掃迹長林下
却對真山看畫圖
曾中雲夢本無窮
合是人間老畫工
常恨無因繼三絕
倩人拈筆寫曾中

答和江子我四首

長江衮衮葉蕭蕭
心與虛空自寂寥
過眼文書風度穴
迎秋衾枕帶忘腰
柳標橫擔入亂山
恍如黃鶴倦飛還
不妨步屣時來

貞節堂袁氏鈔本

往山北城南一望間

和江子我

黃河入海汴東傾
消息沉沉祇涕零
賴有真人翔白水
正須元帥得咸寧

時聞宗元帥物
故方謀帥汴京

戲和

欲知黃鶴山中客
便是芙蓉室裏僧
不比妙高窮老圃
堆極懵懂百無能

庭菊爛開招子我
共飲而空無酒飲
聞瓜洲酒美遣酷數
升殆如灰汁戲作三絕句
因以贈九月四日戲贈之作

慳囊不瘦空四壁只有黃花如散金急遣籃輿喚居

士飲溪冷菊對幽吟

楚詞夕餐秋菊之落英孟郊詩云日暮飲溪三兩盃

蒲萄餘漉不到我買得酒漿醜自嗟安得長江化為

酒亦分春色到貧家

酒有洞庭春色

疥癢終非腹心疾身如空聚任搔爬惡酒木應勝茗

飲消憂聊以永今朝

時子我方苦疥癢不飲

次韻和江子我道中絕句七首 丁未

初入雁蕩山

雲關深掩裂荷衣却著青衫扈六飛鴈蕩峯前瞻使

節一星還旁紫垣歸

兵部領駕庫二部故有扈六飛之句

貞節堂袁氏鈔本

名山無復見金堂盡日蒼巒對夕陽還向江城動悲

思背人驚鴈兩三行

山南曰朝陽山北曰少陽

羅漢洞 有經一藏

人間結習盡無餘肯向諸天五淨居寶藏至今留洞

穴應真時有讀殘書

雲巖寺

鋤姦未辨煩溫造督戰聊應問石雄行遍江南好山

水不妨仍在嘯吟中

新城道中

許敬宗新城人

遺臭千秋信不磨當年意氣奈君何長沙老獠雖流

落身後聲名得自多

藍輿度水復穿松三紀回思一夢中壯齒佳時那復

得蕭蕭華髮對秋風元祐庚午歲嘗至新城

楊梅

吳兒真是沐猴冠欲比楊梅荔子丹不用紅塵占使
騎畫船飛楫向長安

駐驛揚州以提點刑獄公廨為尚書省禮

部在西北隅卷書樓下甲戌年余嘗寓止

焉今寓直其下有感

三八南宮更白頭寒夜持被卷書樓那知跣足半天

貞節堂袁氏鈔本

下投老浮山省舊遊

戲題郭御名求所寄書尾

老罷歸來寄一屋交親南北散如煙誦君雪暗天涯

句離舍升沉二十年慎求為海州幕官行縣嘗有詩云曉鳥啼啞啞游子初去家去家向何許雪暗天一涯云

云斷句云舉頭語天公慙
慙推日車頗為吾輩所推

題隆師山水短軸二首六言用蔣仲遠尚書韻

抱甕終年五畝結茅何日三間正擬螢飛自照真成

鳥倦知還

能畫所畫皆幻是心是境無還未暇法師蓮社且從

居士香山

北山集卷之二
己酉二月二日車駕渡揚子江四日匆遽
離鎮江余與妻孥徒步跣足飢走至呂城
道中口占
白日無光卷地風扶攜跣足去匆匆安知白首干戈
裏身寄淮南老小中

題叔問燕文貴雪景二首 戊申

雲鼎峯前十九年醉看銀色變山川當時天喜遺身
世知是人間第幾天
一壑回環十二峯茅茨送老白雲封如今塵裏看圖
畫却愧當年那曼容

貞節堂袁氏鈔本

新作紙屏隆師為作山水筆墨略到而遠
意有餘戲題此句末句蓋取所謂柴門鳥
雀噪游子千里至也 時守秀州屢乞宮
觀歸山居未遂
急雨初收山吐雲清溪曲曲抱煙村拋書午枕無人
喚歸夢真疑鷓噪門

聞家山方丈蘭畹滋榮喜而作詩

崇蘭燁燁轉光風林下幽芳一信通更劬青冥窮窈
窕竹陰濃處蒔春叢

會稽喜得家書 辛亥

黃耳東來一破顏直從松竹報平安遙知雲頂峯前

住霜鬢風篁六月寒

戲簡陸學士宰

泉石膏肓老更慵
豈堪華髮抗塵容
千品萬壑空圖畫
遺中壺中第一峯

試端溪古硯偶書二首

白首重來祇厚顏
有懷端欲向誰傳
語言相對都無味
色在蜚鴻落照邊

人生當復幾兩屐
我飲寧須三百杯
破硯猶堪磨老境
醉拈椽筆寫霜煤

舟行即事二首

貞節堂袁氏鈔本

日出千山蘭蕙香
清溪一曲轉滄浪
扁舟卧看張雲錦
不為春歸有底忙

歸帆日日駕春風
夾岸花迎笑臉紅
更謝幽禽巧言語
勸人歸隱翠微中

歸至山句戲集古句

終日思歸此日歸
野人休誦北山移
且看欲盡花經眼
可忍醒來雨打稀

即事

雲裏瑤淙十九泉
茅茨深寄白雲邊
何年斷取仇池境
擲過荆吳萬里天

九日夜月色如畫山林清絕念無與共此
賞者聞元長宗正仲長隱居陪端殿樞公
過彥文太常因游招福戲簡彥文三首

明月行空照膽寒翠微高處倚欄看寥寥物外非塵
世萬籟無聲清露漙

人間急景矛頭過林下閑官物外游尋壑經丘穿紫
翠相從一笑萬緣休

野人談舌久不掉上客高軒何日過已恐柴門不容
轍旋鋤幽徑剪庭莎

余常愛杜牧之晚花艷靜高樹綠陰初之

貞節堂袁氏鈔本

句還山居適當此時諷詠不已有繫於余
心者用為韻作十絕

向來越溪吟丘壑今在眼不嫌鷓鴣鳴所恨歲晚晚
嘉樹着青子崇蘭吐幽花慙慙衝細雨小徑岸烏紗
老鬢不重綠衰顏時借紅藥窺文武侯酒雜聖賢中
青山如佳人亦復美而艷晴嵐秀可食暮靄碧堪染
清池浸蒼崖草樹臨綠靜應名洗玉淵亦號巖花鏡
莫作朱伯厚寧從龍伯高不妨騎款段聊復着東臯
桑陰繞扶疎墻下亦已樹柴門不須闕野老自來去
壺中小堪巖色作蛾眉綠爽氣壓西山哀音叩寒玉

風篁縈磴道夏木晝陰陰一鳥不鳴處山高流水深
擁褐入三昧超然心地初那知庵外事人境兩如如

偶作三首

薰風習習動林光紫翠陰中草木香山鳥一聲清晝
永白雲深處北窓涼
老向甘泉補侍臣歸來還作卧雲人一重一掩藏煙
塢三沐三薰屏世塵
誰遣生駒玉作鞍春來首藉徧春山自知不入黃麾
仗振鬣長鳴出帝關

書壽昌驛 丁亥

貞節堂袁氏鈔本

歲暮白日速風高黃葉稀歸心與寒鴈一夜向南飛

宿章戴

百里半九十暮程無盡時長途飽風日顏鬢最應知

用葉翰林韻題趙叔問燕文貴山水

列岫軒窗五柳門灤西林谷渭南村一區正欲尋幽
處指點丹青得細論

壬子七月十六日夜月蝕五首

青天那得蝦蟇窟白地空憂蟣蝨臣坐待煤炷露殘
魄十分寒玉涌秋旻
阿脩羅王手所障盧佉蝨叱心定知一念多生人我

北山集
培能令天眼作昏眵

惟發玻璃塌死灰食餘明鏡挂高臺撒沙星出爭光大不易青蓮火裏開

撐腸拄肚何繇足接腋持頤可自娛底事緣天得剗
碟未妨碧月照空虛

爛銀盤從海東出雲樓半開壁斜白時有幽人自往

來蘭珮相逢桂香陌

此絕集古句

叔問作崇蘭館圖畫叔問去非與余相從

林壑間二公各題二絕句余同賦四首

嬰朔千年契義深祇令林壑共幽尋同心更結崇蘭

貞節堂表氏鈔本

伴衰世誰知有斷金

崇蘭深寄北山幽何日追隨得自由下石向來多賣友斷金投老得良儔

道義寧論故與新紛紛誰繼雷陳圖形預作山林約
笑殺青雲得路人復

置我正須巖石裏如公摠合上凌煙要令它日看圖
畫不愧平生與昔賢

同叔問逃暑蔡氏山林

清渠脩竹靜相臨喬木參天十畝陰一片藕花香不
斷不知門外日流金

即事

春深草木未欣榮
冰谷崢嶸霰雪零
鸞鳳不來黃鶴舉
請看鸞雀開荒庭

寄彥文

踵息庵前草又青
庵中禪客養黃庭
起來何物共吟嘯
照眼雲山錦翠屏

得叔問書報柳元禮許寄鶴二首

海上胎禽雪翅翎
故人千里念崑崙
扁崇蘭館近光音
鳩為子新添放鶴亭

北山林沼久荒涼
正要仙禽借寵光
為報携籠須問

貞節堂表氏鈔本

道直妨妖鳥嚇鸞凰

遣興二首

膏肓二豎能為害
腸胃三蟲不姓彭
安得此身無一事
林間耳目也清明

但見虛空昏又曉
也知身世老還衰
須乘般若超三界
有底窮通比四時

寄潛老求菊栽 丁未

東籬終日對南山
三徑荒蕪十畝寬
正欲秋英媚幽獨
可令霜鬢苦高寒

過徐節之宅有感三首 丙辰

願慶堂成未一年窓中紫翠列千山重來前日持杯
地桃李飄零春自闌
市駿不應遺泛駕更刀猶足中桑林故知老驥思千
里未害鷓鴣致萬金
遊倦歸來老境侵炎涼薄俗見升沉東阡西陌追遊
處獨對春風淚滿襟

苦雨

一夜溪流漲幾竿還驚四月雨聲寒竈生蛙黽水生
耳誰信勾吳有漏天

書事呈叔問

貞節堂表氏鈔本

名節蒲輪走四方眼看浮俗變炎涼升沉變化那知
許但覺琳宮氣味長
五年香火奉殊庭愚耄衰殘得此生不解常山無一
事也紉蘭珮解塵纓

寄彥文仲長

踵息華光信絕塵黃芽白雪鎮長新仙翁抱朴仍宗
從好趁丹臺八伯人

六言屬叔問

宗蘭一日千里長壽三年不飛顏情無人似我精堅
似子誠稀

賀仲長得子

華光深閤養黃芽又見嬰兒繼女芽好賦夢熊詩百
首年年持寄老仙家

曉起

魚鼓鏗鏗驚睡昏披衣兀坐了無言掃除浮念多灰
冷紫府崑崙寄默存

李泰發雪中見過有絕句次日會叔問舍

和酬三首

一觴相屬對江梅玉塵清設得重陪不似稽山尋賀
老越溪空掉酒船回

貞節堂表氏鈔本

幽寒長似北枝梅鷓鷯英遊不再陪邂逅故人成一
笑衰顏華髮覺春回
二公才業盡臺萊並轡天衢昔屢陪自笑摧顏無復
理寸心衰謝等寒灰

何瞻聖博士交新年八十口號奉賀三首

懸弧嘉祐太平年壽帙行開第九編可惜天公錫難
老棗梨仙樹植三田
漆書復行開藏壁金版方思得鈞璜何似懸車無一
事逍遙塵表壽而康
四朝冠蓋三更變萬國兵戈戰百場屈指鄉閭數耆

舊幾人能似魯靈光

白樂天言時俗謂七十以上為開第八帙故是詩有行開第八帙之句伏生年九十漢文帝使鼂錯往授

尚書四朝謂元豐元祐崇寧靖康

偶觀樂天酬楊八絕句有槩於心者因追

和贈叔問二首

君以曠懷宜靜境我因蹇步稱閑官
閉門足病非高士勞作雲心鶴眼看樂天

老壯榮衰才命別如何同作侍祠官
幾春桃李開還落羸得閑人冷地看

余和仍効樂天之體

蓋輿行清輝門外即事

映日梅花雪不如清溪一曲抱城隅
何時五畝開三

貞節堂表氏鈔本

徑負郭臨溪寄一區

新正未得與彥文相見聊寄二絕句為壽

燕處超然老復丁等閑高樹脫塵纒
知君已悟長生理不作容成作廣成

曾中梨棗光陸離神泉不竭生華池
期願豈足為公道千二百年形不衰

即事有感再用前韻二首

邪正誰分寇與丁眼看奴隸擁繁纓
至今四海生瘡痛辛苦仍康起一成

回首中原歎黍離山河無復舊城池
安知七寶輪王

境頓作天人現五衰

彦文見和新為壽絕句推借過厚再和呈
二首

不隨時態冷如丁只有肥牛與濯纓正自幽寒似長
吉愧無詞賦敵蘭成

躄躄素敵病支離安得神方飲上池已把屠魁觀愛
欲更將流電比榮衰

叔問見和寄彦文絕句過蒙推借謹次韻

奉酬二首

正是群疑判稚丁鳴鶻時駭曼胡纓青蒸燭照三冬

貞節堂袁氏鈔本

足黃絹詞先七步成

叔問時習射方勤

新離初引嘒黃鸝松徑桃蹊到習池坐閱四時如鏡
像此中無利亦無衰

佛經有利衰苦樂毀譽稱譏八法不能動則所謂八風吹不動

寂照軒即事二首

疊嶂連環翠欲浮雨餘殘照晚雲收樓臺城闕真圖
畫坐對南塘事事幽

面面軒窓草木香祇園深處寄禪房山林倒影方池
靜魚鳥忘機白晝長

小雨默坐北軒諸山如失須臾雨止紫翠
突兀眼中似尉老人岑寂也二首

煙雨濛濛山有無
小軒孤坐對城隅
斯須突兀千峰秀
似尉衰頽老病人
茅茨聊復寄寬閑
縱目林端見遠山
大是時人不爭處
柴門雖設要常關

數日江上頗有春色
偶成絕句遣興五首

庚辰

柳怯餘寒未展眉
嫩黃輕綠漸依依
春郊正好閑行處
不及遊蜂自在飛
錯莫江梅春信遲
晴熏寒蘂雪團枝
年來頓失尋春意
一任高樓玉笛吹
遠樹參差數點烟
目窮天際水黏天
背人葉葉風帆

貞節堂袁氏鈔本

去應有鷓鴣萬里船
不奈江頭春色何
暖光搖日漲晴波
憑欄何處牽幽興
楊柳沙洲一釣簑
露壓濃煙染遠山
垂虹真在畫圖間
平湖渺渺思無限
何日浮雲伴我閒

寄朱元益

小園桃李已欣榮
華髮逢春祇自驚
聞說江城多暇日
想教千鷲入新聲

癸未秋金陵懷古三首

壯士狂歌擊唾壺
追風老驥望長驅
山川形勢端如

此當日寧無一伯符
大舅塵埃直污人西風便面障衣巾身危肯拜陶寧
遠事定終慙温太真
山丘華屋一沾巾無復風流盛德人百萬秦軍渡淝
水只消長嘯靜胡塵

和翁祕監彦深喜絕句四首

朝來喜氣溢層霄側聽封人共祝堯密雪正應歌九
扈疾雷先已破三苗時初珍
即看新綠歸千畝還見陳紅積九年便覺雨暘如有
意不須花草苦爭妍

貞節堂表氏鈔本

九重誠意格天開一夜風回萬壽山銀闕瓊臺迷遠
近直疑群玉接蕭閑
風鈴相語紙窓鳴拭縮饑鷄凍下鷲却憶剡中高興
盡雪消江草喚悲生

秋深向寒數日泥補墻垣入此室處用東
窻即事韻作四首

杜陵廣廈何可見原生貧居良已多賣刀植杖苦不
早會牽孫犢繫交柯
山中高隱不易得今古荒途空九招何異清湖長菱
葑翳眼蒼雲誰復撩吳人謂

北山集卷十一
西風朝來脫一葉蕭蕭已似湘雲間突成深墨解生
肉畫尔于茅安得閑
莎鷄知時已入戶庭草多情猶映堦何妨擁褐坐閱
世著書不用如齊諧

北山小集卷第十一

